



Adresa: **Ul.H.Čemerlića 39A**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-2-40-206-9/25**

Datum: **19.08.2025. godine**

„Agencija za vodno područje rijeke Save“ Sarajevo rješavajući po zahtjevu investitora „Euro-Asfalt“ d.o.o. Sarajevo za izdavanje vodne saglasnosti na projektnu dokumentaciju za aktivnost ispuštanje tehnoloških otpadnih voda i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada privremenog pogona za proizvodnju betona kapaciteta 35 m³/h, predviđenog za gradnju na zemljištu označenom kao k.č. br. 490/2, 2420, 2421/2 K.O. Hadžići, Grad Goražde za potrebe izgradnje brze ceste Hrenovica-Hranjen-Goražde, Tunel „Hranjen“, na osnovu člana 114. stav 1. i člana 121. stav 3. Zakona o vodama („Službene novine Federacije BiH“, broj 70/06) i člana 67 stav (2) Zakona o upravnom postupku („Službene novine Federacije BiH“, broj 02/98, 48/99 i 61/22) d o n o s i

ZAKLJUČAK

Odbacuje se zahtjev investitora „Euro-Asfalt“ d.o.o. Sarajevo za izdavanje vodne saglasnosti na projektnu dokumentaciju za aktivnost ispuštanje tehnoloških otpadnih voda i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada privremenog pogona za proizvodnju betona kapaciteta 35 m³/h, predviđenog za gradnju na zemljištu označenom kao k.č. br. 490/2, 2420, 2421/2 K.O. Hadžići, Grad Goražde za potrebe izgradnje brze ceste Hrenovica-Hranjen-Goražde, Tunel „Hranjen“, jer nisu ispunjeni uslovi propisani rješenjem o prethodnoj vodnoj saglasnosti, a koji su bili uslov za izdavanje rješenja o vodnoj saglasnosti i isti se smatra kao da nije ni podnesen.

O b r a z l o ž e n j e

Na zahtjev Investitora „Euro-Asfalt“ d.o.o. Sarajevo dana 12.05.2025. godine pokrenut je postupak za izdavanje vodne saglasnosti na projektnu dokumentaciju za aktivnost ispuštanje tehnoloških otpadnih voda i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada privremenog pogona za proizvodnju betona kapaciteta 35 m³/h, predviđenog za gradnju na zemljištu označenom kao k.č. br. 490/2, 2420, 2421/2 K.O. Hadžići, Grad Goražde za potrebe izgradnje brze ceste Hrenovica-Hranjen-Goražde, Tunel „Hranjen“.

Uz zahtjev je dostavljena slijedeća dokumentacija:

A-Opšta dokumentacija:

- Aktuelni izvod iz sudskog registra broj:065-0-RegZ-25-002116 od 20.02.2025. godine izdat od strane Općinskog suda u Sarajevu - ovjerena kopija,
- Uvjerenje o poreznoj registraciji od 09.03.2007. godine izdato od strane Kantonalnog poreznog ureda u Sarajevu - ovjerena kopija,
- Obavještenje o razvrstavanju pravnog lica prema klasifikaciji djelatnosti, broj:07-32.5-70634/13 od 20.09.2013. godine izdato od strane Službe za statistiku za područje Kantona Sarajevo - ovjerena kopija,
- Rješenje, broj:UPI/03-19-2-59/20 od 12.05.2020. godine izdato od strane Federalnog ministarstva prostornog uređenja - ovjerena kopija,
- Rješenje, broj:UP-I 05/2-23-11-90/18 SN od 02.10.2018. godine izdato od strane Federalnog ministarstva okoliša i turizma - ovjerena kopija,

- Rješenje, broj:UPI/03-23-2-100/19 od 17.06.2019. godine izdato od strane Federalnog ministarstva prostornog uređenja - ovjerena kopija,
- Rješenje broj:UP-1:04-21-804/24 od 10.02.2025. godine izdato od strane Ministarstva za privredu Bosansko-podrinjskog kantona – ovjerena kopija,
- Rješenje o prethodnoj vodnoj saglasnosti, broj:UP-1/21-1-40-283-9/24 od 05.08.2024. godine izdato od strane Agencije za vodno područje rijeke Save, Sarajevo - ovjerena kopija,
- Zemljišnoknjižni izvadak Katastarska općina Hadžići, broj:045-0-NAR-24-003215 Zemljišnoknjižni uložak broj:475 izdat od strane Općinskog suda u Goraždu - ovjerena kopija,
- Kopija katastarskog plana, UR. broj:07-26-3-154/2024-1 od 26.07.2024. godine izdata od strane Službe za geodetske, imovinsko-pravne poslove i katastar nekretnina Grada Goražde - ovjerena kopija,
- Dokaz o uplaćenju federalnoj upravnoj pristojbi na zahtjev.

B-Tehnička dokumentacija:

- Glavni projekat sustava za prikupljanje otpadnih voda separatnog tipa, pročišćavanje nastalih tehnoloških otpadnih voda i ispuštanje pročišćenih voda u definirani recipjent urađena od strane „Zagrebinspekt“ d.o.o. Mostar, siječanj 2025. godine, broj: 01-15-14-I/25.

Nakon prijema i pregleda dostavljene dokumentacije dana 15.05.2025. godine aktom broj:UP-1/21-2-40-206-2/25 od investitora je zatražena dopuna podneska u skladu sa odredbama Pravilnika o sadržaju, obliku, uslovima, načinu izdavanja i čuvanja vodnih akata („Službene novine Federacije BiH“ broj 31/15, 55/19, 41/20 i 63/22) i Uredbe o uslovima ispuštanja otpadnih voda u okoliš i sisteme javne kanalizacije («Sl. novine Federacije BiH», broj: 26/20, 96/20, 1/24).

Tačnije, Rješenje o prethodnoj vodnoj saglasnosti broj: UP-1/21-1-40-283-9/24 od 05.08.2024. godine je izdato u postupku pribavljanja urbanističke saglasnosti i okolinske dozvole ukoliko je predmetni objekat i aktivnost podliježe obavezi ishodovanja okolinske dozvole od strane nadležnog organa.

Uvidom u dostavljeno Rješenje o urbanističkoj saglasnosti i Rješenje o odobrenju za građenje, oba izdata od strane Federalnog ministarstva prostornog uređenja, konstatovano je da su oba izdata sa rokom važenja od jedne godine od dana pravosnažnosti.

Predmetno Rješenje o urbanističkoj saglasnosti i Rješenje o odobrenju za građenje se ne odnose na predmetni objekat betonare odnosno aktivnost ispuštanja tehnoloških otpadnih voda i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada privremenog pogona za proizvodnju betona kapaciteta 35 m³/h, predviđenog za gradnju na zemljištu označenom kao k.č. br. 490/2, 2420, 2421/2 K.O. Hadžići, Grad Goražde za potrebe izgradnje brze ceste Hrenovica-Hranjen-Goražde, Tunel „Hranjen“.

Krajnji rok za dostavljanje traženog dokumenta tj. Rješenja o urbanističkoj saglasnosti za objekat pogona za proizvodnju betona kapaciteta 35 m³/h, predviđenog za gradnju na zemljištu označenom kao k.č. br. 490/2, 2420, 2421/2 K.O. Hadžići, općina Goražde za potrebe izgradnje brze ceste Hrenovica-Hranjen-Goražde, Tunel „Hranjen“ bio je 09.06.2025. godine. Investitor „Euro-Asfalt“ d.o.o. Sarajevo se aktom broj: EA-MI-214-05/25 od 04.06.2025. godine obratio Agenciji sa zahtjevom za prolongiranje roka za dostavljanje tražene dokumentacije.

Na zahtjev investitora rok je prolongiran do 30.06.2025. godine.

Investitor „Euro-Asfalt“ d.o.o. Sarajevo se ponovo aktom broj:EA-MI-246-06/25 od 27.06.2025. godine obratio Agenciji sa zahtjevom za prolongiranje roka sa pojašnjenjem da su u postupku ishodovanja urbanističke saglasnosti.

Na zahtjev investitora rok je prolongiran do 31.07.2025. godine.

Investitor „Euro-Asfalt“ d.o.o. Sarajevo se ponovo aktom broj:EA-MI-294-07/25 od 30.07.2025. godine obratio Agenciji sa zahtjevom za prolongiranje roka.

Kako podnosilac zahtjeva nije ispunio uslove koji su određeni prethodnom vodnom saglasnošću, a koji su bili uslov za izdavanje vodne saglasnosti u ostavljenom roku, kao ni do dana donošenja ovog Zaključka, na osnovu člana 114. stav 1. i u skladu sa članom 121. stav 3. Zakona o vodama člana 67. stav (2) Zakona o upravnom postupku, riješeno kao u dispozitivu ovog zaključka.

Uputa o pravnom lijeku:

Protiv ovog zaključka može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Zaključka.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka:


mr.sc. Selma Merdan, dipl.inž.geol.

Prilog: Tehnička dokumentacija navedena pod tačkom B obrazloženja rješenja

Po ovlaštenju

Rukovodilac Sektora za izdavanje vodnih akata




Nihad Pezo, dipl.inž.građ.

Dostaviti:

- „Euro-Asfalt“ d.o.o. Sarajevo
Ul. Rajlovac b.b., 71000 Sarajevo, (kao u prilogu)
- ⊖ AVP Sava, ISV – Vodna knjiga,
- Org.jed. 40 – Arhiva,
- AVP Sava – Oglasna ploča